

銅仁府志

明·万历

戊戌进士万士英
铜仁知府陈以跃

主撰
主修

德宏民族出版社
铜仁市碧江区档案局整理

銅仁府志
二

銅仁府志卷之四

秩官志

銅以前亡論已 國朝威靈遠鬯始盡萬里而
臣之初羈縻以土司繼綱維以郡吏因陋就簡
地僻民殷迨中葉而苗民匪茹師旅時興方面
彈壓總帥駐守建威銷萌

德意至厚第銅界三苗中而藩大夫徒擁空名隨
畫諾所資于彈壓謂何萬厯中更以備兵使者
來為監轄而事權始一矣銅僅叢土文武大吏

銅仁府志

卷之四

二二二

紳弁土司互相指臂使豈不誠盛而官多以此
兵冗以此食浮亦以此舉全黔而奔命烏銅實
賦重力殫而不可支矣膏髓胥于騎置積聚耗
于犬羊沃土濯于屯戍生齒罄于溝壑今日煩
訟日亟柰何不思釋轡而忍窮其力也作秩官
志

監司

監司非銅有也而始之撫苗繼之兵備皆為銅
設也云撫苗者示

朝廷好生之恩云備兵者示內地神氣之壯倘不
然者溺其職矣然銅有苗而不就撫銅歆備而
若無兵即使者奉尺一思綢繆安能以徒手應
乎預餉儲兵以俟一舉苗且稽首恐後則苗之
撫與不撫又視兵之備與不備為遲速者也
軸者慎無忽兵政哉

駐劄銅仁分守撫苗貴州布政司參議一員左右無定置嘉

靖中總督都御
史萬鏜題設

沙稷儀真人舉人嘉靖二十四年任恬淡寡欲務
持大體各庚若舉廢墜諸所議創悉皆遠猷

銅仁府志

銅仁府志

卷之四

楊儒

孟津人舉人嘉靖二十七年任

劉望之有傳

汪珀

休寧人進士嘉靖三十二年任

張可述

洪雅人進士嘉靖三十四年任

顏嘉會

長沙人進士善書多所標題

鮑一龍

臨安人進士嘉靖三十六年任

劉景韶

崇陽人進士嘉靖三十七年任廉以視身明

金世龍

吳縣人進士嘉靖三十九年任

馬出圖

遼州人進士嘉靖四十四年任

銅仁府志

卷之四

樊傲

南昌人進士嘉靖四十三
年任陞廬東苑馬寺少卿

楊祐

內江人進士嘉靖四十五年任傳
雅有氣節除煩去苛人懷其惠

葉憲

南昌人進士隆慶四
年任人

梁士楚

南海人舉人
萬曆二年任

畢天龍

德化人舉人萬曆六年
任持已廉介御物端方

秦舜翰

晉江人進士
萬曆八年任

金從洋

有傳

張克家

宣城人進士萬曆十
三年任陞雲南副使

張文耀

有傳

銅仁府志

卷之四

二一六

兵巡先是駐劄思南萬曆十三年巡撫舒應龍巡
按毛在題請改駐銅仁仍兼撫苗兵備副使
烏程張斗題名碑記我國家盡天下疆域列為
十三藩臬以總理庶政而又分肆各道守巡異篆
持憲節以彈壓郡牧長兵道則又視地之要害專
勅符假事權以故生殺予奪懸於掌握利病安危捷
于呼吸則其職豈不鉅且重哉顧有建置則有題
名紀其姓名里邑暨爵秩年月蓋因名以稽實非
徒遺實以徇名昭黜陟於既往垂懲勸於將來其
典刑儼然在也貴黔自古號鬼方秦漢來羈縻而
已我皇明統寓永樂年間先後建藩臬二司與
都司鼎峙皆以中國之治治之矣仍分清軍等十
道內外相維而思石兵巡則駐節銅仁郡與總鎮
提榘而治銅故介在一隅寶川湖貴九種苗賊淵
藪出沒不常動輒千百成羣大都束手而斃焉目
而視矣詭者曰方今海內最驚難馴獨北虜耳
近倭夷閉白亦稱兵驚犯此何有於苗醜而猥云
難之也噫是不然內外異勢安危則均強弱異形

銅仁府志

卷之四

難易相埒何者南陵北虜偏近輦轂故視宜望而
黔服一帶獨非天朝赤子乎不知被其糜爛連
其荼毒者數年來幾十萬命也此何可以內外視
也禦南倭北虜知謀響應兵糧饒足且不吝封爵
重賞以懸之而此區區以幾營哨以數疲卒當其
鋒且其倏來倏去疾如掣電巉峴絕頂走如平地
其視南北之水陸可憑者孰難耶孰易耶而諸材
官豈盡無忠勇以願效死力者哉然而蒙爵賞者
曾幾且懼三尺尾之矣而若之何其不難之也
銅苗故屬兵道而節鎮思南則遠矣守道駐鎮銅
仁則又悖矣當時守道張公克家兵道應公存卓
灼知其遠且悖也又灼其難且不易也上議兩臺
更置五易巡按御史毛公在巡撫都御史舒公應
龍以聞于上詔允改駐焉於今又越十餘載
視為傳舍未有礮石余曰不有題名奚以示鑒不
有勒石真以垂永久此誠一缺典也已前不見載爰
自方公以下至不佞計五員裒其姓名紀之石且
為之記以求其傳余惟職誠重矣事誠難矣顧受

銅仁府志

卷之四

二二八

職而考成者月主之權也圖難於其易者蓋臣之分也精白乃心畢力從事使塵消氛祿庶為盡其分以効之職昔賢伏波孔明忠動在望蓋不難事矣余每讀司馬溫公題名記而以某忠某侯某賢某不肖垂訓未嘗不竦然掩卷嘆曰此千古為臣者之炯鑒哉故妍媸以顯淑慝以人鑒語不云乎此又題名之意也

方端

固始人進士萬曆十六年任以僉事至

趙以康

浪穹人進士萬曆十八年任下車未三月請告去署中什物一無所費約已愛民惠索足

尚以副使至

錢拱宸

烏程人進士萬曆十九年任以副使至

王軒

清苑人進士萬曆二十一年任以副使至

守令 幕屬土司附

守令于民家親豈第所發悅豫夕流漢褒循良
唐重寢課厥有以哉矧區區之銅地鮮膏腴民
非上着非賴良有司招徠而綏戢之銅幾無民
矣

銅仁府知府一員 同知口國初全設宣通判全國初

後隨設推官一員知府魏文相題名記

符錫命郡各置守作天牧以風四方無遠通大小
美惡殊焉貴州占鬼國域距京師萬里為西南荒
裔銅仁自我明興始建郡官亦全設後以事簡裁
同知通判知事照磨檢校等官其地僻居萬山中

銅仁府志

卷之四

二二〇

林簣吟吮劍鋒指蹟苦霧瘴氛時忽昏翳不免有
豺虎蛇虫之虞頌是即若率快快不樂不憚其還
且小即疑其倖惡難馴惟近美大改圖矣間有來
蒞日俚俚與轉握殆弗屑理無異秦人視越肥瘠
信如是則銅仁不必郡亦無庸置守任其互相魚
肉而已天子惠養元元賢二千石共理果若是
乎哉夫守之于民帥也義則帥也愛而親之則父
若母也煦育之仁作新之義子弟於父母師帥是
賴銅俗質直簡訟歲租易入風土人物駸駸可觀
蓋夷而華者也雨露不擇地君子不擇人故鳥獸
悅惠豚魚及乎忠信篤敬蚩蚩可行情地之遠近大
小美惡其不足較也明矣前諸君子膏雨襦袴臻
治理效者軌躅相躡寔是我元龜即無志不可考相
才薄德涼夙夜祗懼求無忝父母師帥之寄節推
勞君司按訊景先哲不謀而同故於官斯郡者徵
諸故老撫其姓名碑列府廳之右予輩亦廁名續
之邇予而上得二十三人勞以上二十一人今而
後按名揆實懸非鑒良勃焉若有興者可以得寧

過矣嘉靖己亥
五月庚午記

知府

田載有傳

周驥

陝西人監生永樂十三年任
學宮請給廩餼銅士始知向學

蔣慶

新淦人進士洪熙元年
任刑寬心恕政以民安

王恕

有傳

蕭和

吉水人儒士
任修舉廢墜郡治改觀
正統三年

洪鈞

浙江人舉人
任重修孔
正統八年

孫順

慶都人監生
正統十三年任

銅仁府志

銅仁府志

卷之四

朱鑑

巴縣人進士景泰二年任政寬訟簡禱雨輒應修築上城地方賴其保障

張隆

有傳

陽顯嘉

有傳

周銓

有傳

莫愚

餘姚人舉人成化二十年任

堯卿

有傳

張宏

永清人官生弘治九年任

黔記先張宏次周銓中隔莫愚堯卿前後年分差者二十二今依郡志先周次莫又次堯張

金舜臣

平陽人黔記作襄陵人進士弘治十二年任行廉罰必吏畏民懷卒于任

井昭豐城人舉人弘治十五年任

劉瑜文登人進士弘治十八年任黔記作寧海人建書院築城垣延賢開講士習丕變

徐紹先有傳

周汝端有傳

方宸新繁人進士正德十六年任剛方清介以疾乞休陞本省副使致歸人高其節

葛鳴有傳

宋銳山東新城人進士嘉靖七年任

教文瑞吳縣人舉人嘉靖九年任增築東北土城覆以串樓居民利賴

魏文相大理人舉人嘉靖十三年任幹濟勤敏吏畏民懷解任南歸送者如市民至今思之

銅仁府志

卷之四

銅仁府志

卷之四

桂伯諒

慈谿人舉人嘉靖十一年任

李資坤

有傳

李憲

南海人舉人嘉靖二十三年任

鄒廷澤

公安人官生嘉靖二十六年任時大征紅苗討檄旁午裁冗費通轉輸民甚賴之

吳江

豐城人舉人嘉靖三十二年任

葉繼美

閩縣人舉人嘉靖二十九年任

章接

蘭溪人官生嘉靖四十一年任省刑簿欽表節勦有循吏風

孫序

鍾祥人官生嘉靖四十年任

崔嘉

任丘人進士熙記作舉人隆慶二年任

銅仁府志

卷之四

鄧球

祁陽人進士
隆慶五年任

孫黃

洛陽人舉人
隆慶五年任

張重

莆田人舉人萬曆二年任
介簡約卒于官民有遺思
廉

曾可漁

廬陵人舉人萬曆六年
任清操寡欲郡人稱之

林然

博羅人進士萬曆九年任
建府庠尊經閣文風頓起
修

方範

崑山人進士萬曆十一年
任以文課士多所指南

林大

補莆田人舉人萬
曆十三年任

鄭應

莆田人舉人萬曆十七年
任政簡刑寬人懷其惠

趙道隆

無錫人舉人萬
曆二十一年任